

671.3453  
075  
15

商城縣志

卷之六

學校志下

義學

典禮

商城縣志卷之六

知商城縣事榮河武開吉纂修

學校志下

義學

典禮

義學

義學創自明嘉靖二十九年  
在南門內知縣萬燭建  
房六間明季燬於寇  
國朝康熙二十八年奉文建  
講堂三楹東西齋各二楹  
門屏墻垣具束脩無款歷  
任知縣捐給乾隆八年邑  
拔貢生熊勳徽捐義田二  
十畝社師歲收租稞倉斗  
三十六石租錢三千三百

文久且廢嘉慶七年開吉拓而新之其族裔捐職州  
同熊家社又捐錢五十緡襄其事因思邑介萬山之  
中廣袤二百餘里車楫不通商賈不至居民星羅若  
布散處於巖壑中者非爲人作佃卽代佃傭工所謂  
棚民無恒產並無恒居豐鮮蓋藏歉則餓莩自養常  
苦不贍烏能教子讀書不學無術違道弗祥忝膺民  
社於茲懼焉爰於各保適中之地勸輸籌畫新建義  
學四十二所以本保紳士知讀書者爲司學童其事  
擇學中謹厚者爲社師並捐貲敬刊

聖諭廣訓捐購小學正義各義學各貯一部以社師爲養  
正發蒙之人卽以社師爲講約化導之人其各悉心  
啟迪勿以義學爲市朝勿以義學爲弁髦師道立則  
善人多風移俗易有厚望焉凡各義學條規暨籌備  
章程悉載於左

義學條規

一各保義學社師在本保諸生內擇人品端方文理  
清通者使主其教如本保無人取之外保

一每學立司學一人在本保紳士內擇德行醇謹平

素知重讀書者爲之每年正月望後地方官示期  
某日入學司學用自已名帖加地方官名帖敦請  
社師如期到館命鄉子弟行謁師禮是日請酒一  
席以後稽查之責委之司學

一義學租稞歲有定額八九月司學督同保地催交  
社師收用以歸實濟若收成歉薄酌量減少可也  
一義學專爲貧家子弟而設其家道貧寒無力者止  
許酌收贄儀節儀若家計稍裕頗知隆重師道願  
送束脩者聽其多寡仍不得與較以存先生之體

以抒弟子之情司學與有責焉

聖諭廣訓實教民之本務地方官隨時宣講四鄉頗難周  
遍今各保建一義學卽宣講之地也義學社師卽  
宣講之人也每年春之二三月冬之十月十一月  
農務休暇卽宣講之時也本縣敬刊

聖諭廣訓各保頒發二本逢朔望日保地鳴鑼宣示附近  
居民齊集義學社師登立棹上高聲朗誦詳明講  
解俾父老子弟咸得聞知若曠廢不講經地方官

商州縣志 卷之六  
查出除將保地責懲外輟講一次社師罰稞一石  
散給附近貧民以爲曠學者戒

一 小學爲童蒙養正之要書近來童子人學父兄師  
長卽授讀四書如言仁言義言性命言禮樂講者  
舌敝聽者衰如至讀千家詩學對課風雲月露於  
初學尤無益也不若取小學讀之如立教明倫敬  
身稽古及嘉言善行等篇循次講解七八歲童子  
無不明白者次讀四書五經則渙然冰釋怡然理

順教者學者易爲力矣况農民貧家恒無遠大之

志不過望其子弟識數百字粗曉字義而止爲先生者誠以小學一部使知熟讀而講明之則善言善事先入爲主於村鄉風俗所裨不淺本縣擇小學善本各學捐置一部社師飭各子弟照購一部或照抄亦可授而讀之行見父師之教旣先子弟之率必謹人才由此而出風俗由此而醇小學所以立大學之根本也

一義學內有犯賭博者咎社師及司學

一義學地宜肅靜附近居民人等毋許在內喧譁如



商城縣志 卷之六 四  
有遊手好閒之徒往來滋擾保地稟究

一社師須終日在館嚴督功課若假以上館爲名或安坐其家或另覓學館希圖冒領租稞者一經查出逐社師并究保地及司學

一每年冬至後若果社師訓教有方司學及保地出具切實甘結次年仍照舊敦請倘懈怠曠功司學及保地據實稟明另行擇師毋得徇庇干究

義學籌備

一官買高斛山僧人廣緣田稞二十石價銀二百八

十四兩其田坐落三山口保土名高斛山招佃郭金玉承種

又桂宏量請撥高斛山廟稞二十石充公亦係佃戶郭金玉承種共計田糧十畝俱過入天安里六甲戶名三山口社學優免雜稞佃戶完糧

一監生王耀玉武生王自珍王炳等公捐瓦房八間菜園一處坐落胡太寺保石鼓墩街以作學舍

一孀婦徐張氏捐田稞二十一石其田坐落三山口保土名甘家冲東齊劉山分水嶺爲界北齊陳山

分水嶺爲界南齊盧山分水嶺爲界西齊徐張氏塘埂爲界招佃廿九如承種過入通平里三甲田糧十畝戶名胡太寺社學優免雜糧佃戶完糧

晏側等呈請將從前施入晏家寺白衣庵田地除留香火膳僧之資其餘田稞一百六十石五斗酌撥充公其田坐落華上保土名晏家冲招佃楊魁等承種內撥入華岩寺上社義學田稞三十石過入通平里五甲田糧十五畝戶名華上社學又撥入華岩寺下社義學田稞二十石五斗過入通平

里五甲田糧九畝五分戶名華下社學又撥入東  
關社義學田稞二十石過入通平里五甲田糧九  
畝戶名東關社學又撥入袁武集下社義學田稞  
三十石過入通平里五甲田糧十五畝戶名袁下  
社學又撥入通泉畷社義學田稞六十石過入通  
平里五甲田糧三十畝戶名溫泉書院俱優免雜  
稞佃戶完糧

一貢生吳錦含捐田稞二十石本名五石公廟四座  
十五石其田一時難以區劃自願以嘉慶八年爲

始按年永遠交納蘇仙河社學

一宋琪裕請撥東岳廟田稞十石五斗充公其田坐落雙河保土名高山下東齊分水嶺田下埂爲界南齊分水嶺爲界西齊乾溝大嶺爲界北齊固始縣境爲界招佃謝惠承種過入隆山里四甲田糧二畝戶名雙河社學優免雜稞佃戶完糧

一 生員王者臣請撥東岳廟田稞四十石充公其田坐落土鎮寨保土名東岳廟東齊河邊高坎爲界

南齊人行路爲界北齊熊姓分水嶺爲界西齊人

行路爲界招佃彭玉禮等承種內撥入土鎮寨社  
義學田稞三十一石過入鼎興里八甲田糧十五畝  
戶各土鎮寨社學又撥入雙河社義學田稞半石  
過入鼎興里八甲田糧五畝戶各雙河社耕俱優  
免雜稞佃戶完糧

一淨池廟僧人離相請撥東嶽廟田稞三十四石六  
斗充公其田坐落香下保招佃王思忠等承種過  
入太水里一甲田糧三十六畝四釐三毫戶各香  
下社學優免雜稞佃戶完糧

一 監生趙宏富捐田稞十八石其田坐落南關保土  
名八里橋東齊張姓分水嶺爲界南齊陳姓分水  
嶺爲界西齊八里橋大路爲界北齊人行路田埂  
爲界招佃溫和三承種過入太水里五甲田糧二  
十畝戶名大木店社學優免雜稞佃戶完糧

又監生趙宏昭捐田稞十五石其田坐落木下保土  
名小寨下北齊塘外埂爲界西齊庄房後中嶺堰  
口爲界招佃陳紹宗承種過入安潭里六甲田糧  
七畝戶名大木店社學優免雜稞佃戶完糧

一僧人清閒等請撥朝陽庵田稞十六石充公其田坐落木下保土名佛山河東齊水溝爲界南齊朝陽庵田爲界西齊朝陽庵田爲界北齊河心爲界招佃吳天祿承種過入安潭里二甲田糧九畝戶名太蘇河社學優免雜稞佃戶完糧

一良田寺僧人指明請撥田稞十七石充公其田坐落清下保土名蕭家山招佃張永富鄭約成承種過入天安里九甲田糧八畝二分六釐戶名清白河社學優免雜稞佃戶完糧



又廣福寺僧人志道每年願撥寺稞十二石充公以  
嘉慶八年爲始在伊寺稞內按年永遠交納清白  
河社學

一周勉周敏熊履中等公捐無糧田稞六石其田坐  
落武上保土名珞珈庵南齊人行路爲界東齊丁  
香樹上分水塘爲界西北俱齊河心爲界招佃劉  
珍祥承種每年租稞交納武上社學

又監生張金鐸張紫垣張士銘張金振張邦鷺張文  
範等公捐田稞十一石皆因所有之田一時難以

區劃自願以嘉慶八年爲始在伊等家產內撥年  
永遠交納武上社學

一歲貢生洪啟堂請捐瓦房十二間坐落武下保土  
名英窩以爲本保學舍連附近荒地一段充公因  
念該生家貧仍酌給公項錢五十千文以作價值  
在案

一黃檗山僧人曉安請撥廟稞三十二石二斗充公  
其田二處皆坐落武下保土名蕭家坳一處上齊  
大塘下齊小田埂東齊大路至河心西齊高田埂

又一處東齊吳姓分水嶺爲界南齊曹姓山邊爲界西抵洪姓田岸爲界北抵謝姓田地爲界招佃陳顯貴高華承種過入天安里五甲田糧三十畝戶名武下社學優免雜糧佃戶完糧

一 田稞二十五石其田坐落南關保

土名田家棚西齊彭劉二姓山脚到大山嘴爲界南齊分水嶺爲界東齊分水嶺到水堰溝爲界北齊河 承種過入仙山里

六甲田糧十三畝戶名溪上社學優免雜糧佃戶

完糧又無糧地一塊每年地租錢五千文亦係劉  
文彩所捐

生員彭喬占請撥白龍庵無糧田稞三十石充公  
其田坐落溪中保土名魏家灣南齊河溝爲界北  
齊大山分水嶺爲界東齊河溝上子嶺爲界西齊  
河溝上大分水嶺爲界招佃宋子春郭世華承種  
每年租稞交納溪中社學

一職員張聯芳張啟時等公捐田稞二十五石皆因  
所有之田一時難以區劃自願以嘉慶八年爲始

在伊等家產內按年永遠交納溪下社學

一 監生周之聆捐田稞十石因所有之田一時難以區劃自願以嘉慶八年爲始按年在伊家產內永遠交納佛南河社學

一 小祇園僧人洪印請撥廟稞三十石充公又地一塊每年地租錢一千文其田地坐落鄒下保土名羅家店西北齊小祇園田邊爲界北齊大塘坎爲界東齊賣田主田埂爲界南齊小祇園田埂爲界招佃黃宗仁承種過入河清里六甲田糧二十一

畝戶名鄒上社學優免雜稞佃戶完糧

一官買匡鐸岡山寺田稞二十四石價銀一百五十兩其田坐落鄒下保土名匡家店上齊劉姓橫路爲界下齊河崖黃姓田爲界左齊黃姓田爲界右齊陳姓田爲界招佃蕭峰青承種過入石溪里四甲田糧二十七畝戶名鄒下社學優免雜稞佃戶完糧

一官買小禪堂僧人月光田稞二十石無糧地一塊價銀三百二十兩其田地坐落觀下保北齊陽溝

坎爲界西齊西屋山角爲界東齊東屋山角爲界  
南北俱齊廟田爲界招佃晏哲承種過入枚南里  
一甲田糧十二畝戶名觀廟舖社學優免雜糧佃  
戶完糧外無糧地一塊佃戶晏哲認租錢二千文  
又捐職布經趙振祖生員貢秉元林介和等公捐無  
糧田稞二石其田坐落觀下保方家廟前齊廟地  
坎人行路爲界左右俱齊張姓田邊爲界後齊人  
行路爲界招佃黃煦承種每年租稞交納觀廟舖

又觀音閣僧人福印請撥無糧田稞六石充公又地  
一塊每年地租錢四千文其田坐落觀下保土名  
正法寺東齊胡姓田爲界西齊河邊爲界南齊易  
姓山田爲界北齊胡姓田邊爲界招佃李元承種  
每年租稞交納觀廟舖社學

一官買東陽寺僧人東海田稞二十石價銀二百兩  
其田坐落考下保土名五斗冲其田南齊秧田埂  
至河心爲界西北俱齊余姓山分水嶺爲界招佃  
汪知潤承種過入仙山里十甲田糧二十一畝五



分戶名考上社學優免雜課佃戶完糧

一江維賢等請撥石嘴頭廟稞十二石充公其田坐落考下保東齊余姓墳地溝爲界南齊余官田埂爲界西齊河心爲界北齊張姓田爲界招佃余申林承種過入仙山里四甲田糧八畝五分五釐戶名考下社學優免雜課佃戶完糧

又余榮余士興生員余作舟等公捐祠稞十二石歸入社學其田坐落考下保土名龍井東齊馮姓田爲界西齊余方昇田爲界南齊余栢地坎爲界北

齊余作舟田爲界招佃陳湖承種過入仙山里四  
甲田糧十二畝七分二釐戶名考下社學優免雜  
稞佃戶完糧

一馮金等請撥馮家堂廟稞二十二石充公其田坐  
落門上保土名洪家畝西齊塘上坎爲界南齊小  
路坎爲界北齊余姓地溝上分水嶺爲界東齊洪  
姓田埂爲界招佃余之銀承種過入仙山里六甲  
田糧十四畝五分戶名龍門河社學優免雜稞佃  
戶完糧

一監生徐章楷捐田稞二十四石其田坐落枚上保  
土名千工堰東齊李田西齊廟田北齊山嶺南齊  
河心爲界招佃嚴思敏承種過入通平里六甲田  
糧三十四畝戶名枚上社學優免雜稞佃戶完糧  
又生員王道立等請撥鄭覺庵田稞二十石充公其  
田坐落枚上保東齊山嶺分水爲界南齊李岳姓  
水溝爲界西南齊小河溝爲界北齊徐姓山溝爲  
界招佃王永享承種過入河清里五甲田糧十  
畝戶名枚上社學優免雜稞佃戶完糧

一 翠林庵充公田稞一百零兩石其田坐落校下保  
招佃楚希文宋德浩晏思善黎長先承種過入官  
蘇里九甲田糧一百二十三畝優免雜稞佃戶完  
糧又地租錢一千五百文內撥入校下社學田稞  
五十一石地租錢一千五百文又撥入雙椿舖社  
學田稞二十石又撥入南關社學田稞二十一石  
又撥入西門社學田稞十石

一 僧會司僧會靜意請撥五顯廟田稞二十石充公  
其田坐落南司保土名五顯廟東齊郭姓田邊爲

界南齊郭張二姓地邊爲界西齊沈李二姓分水嶺爲界北齊郭姓分水嶺爲界招佃王士璉承種過入三豐里四甲田糧十四畝戶各南司社學優免雜徭佃戶完糧

一 監生丁倬捐田稞八石因其所有之田一時難以自願以嘉慶八年爲始在伊家產內按年交納上石橋社學

又捐職州同周文述捐菜園一處坐落上石橋保佃余啟芳承種每年認園租錢十一千文交納上

石橋社學

又楊致極等捐無糧地一區坐落上石橋保楊家堂  
招佃時克掌承種每年認地租錢十二千文交納  
上石橋社學

一李國元捐田稞十八石其田坐落陳家集保土名  
後冲東齊張姓田爲界南齊張姓田爲界西齊王  
姓田爲界北齊熊姓田爲界仍係李國元招佃承  
種過入三豐里九甲田糧十四畝戶名陳家集社  
學優免雜稞佃戶完糧

一 監生梅之學等捐田稞二十石皆因所有之田一時難以區劃自願以嘉慶八年爲始在伊等家產內按年永遠交納三里坪社學

一 職員周曦捐田稞二十石因其所有之田一時難以區劃自願以嘉慶八年爲始在伊家產內按年永遠交納東門社學又捐瓦屋三間縣丞周衡監生周之璠捐修

一 貢生楚維允捐田稞十一石其田坐落鄒上保東

齊蔣姓分水嶺爲界北齊劉姓分水嶺爲界西

河心爲界南齊熊姓分水嶺爲界招佃王久和承  
種過入官蘇里九甲田糧七畝戶名西門社學優  
免雜稞佃戶完糧

一貢生黃澤萬捐田稞二十石其田坐落上石橋保  
土名棗林崗東齊葉姓路分水嶺爲界北齊李姓  
分水嶺爲界西齊腰塘頭爲界南齊葉姓分水嶺  
爲界招佃劉獻鎬承種過入三豐里十甲田糧十  
一畝戶名北門社學優免雜稞佃戶完糧

一生員何毓琬捐草房六間坐落東關保何家店以



南坡縣志 卷之六  
三  
作學舍

一僧人志誠請撥十方院瓦房三間充公坐落南關保以作學舍

一撥迴龍寺充公無糧田稞二十石其田坐落三山口保土名迴龍寺招佃張玉等承種每年租稞交納西關社學

一孀婦熊程氏同姪生員熊德覃捐無糧田稞五石又地一塊每年地租錢四千文其田坐落北關保土名七里崗東齊萬壽宮田爲界南齊人行路爲

界西齊人行路爲界北齊人行路爲界招佃沈杰  
承種交納北關社學

以上共計田稞九百七十九石八斗

共計地租錢四千零五百文

一首先倡捐封員黃師萬捐銀五十兩

一武生蕭化鵬捐銀九百兩

一職員劉譽捐銀四百兩

一捐職布經張振需武生李青雲監生陳嘉賓各捐

銀二百兩

一貢生蕭鳳鳴捐銀一百八十兩

一職員敖可珍監生余敦厚義民陳廷選各捐銀一百六十兩

一監生曹雲從易中華汪貽憲周志芸義民陳清黃椿黃士斌林應榮各捐銀一百兩

一捐職布經趙振祖捐銀八十兩

一主簿桂一枝監生梅光前盛舒懷鄭廷藻歐秀先各捐銀六十兩

一州同熊家祉貢生楊鴻勳監生栢珍張致祥邱進

祿陳天貴汪永聰義民劉樹勳武卓恒李在位汪  
渙孔傳煥各捐銀五十兩

一監生張維駱耿存性義民程鑑各捐銀四十兩

一義民毛炳捐銀二十四兩

一監生楊文驃捐銀二十兩

一孀婦吳徐氏捐銀一百兩

一孀婦王潘氏捐銀六十兩

以上共捐銀四千七百一十四兩除置買田地建  
設學舍等項動用銀二千一百一十四兩外實

存庫平元絲銀二千六百兩發交銀店陳開泰等領作資本營運以嘉慶七年十二月初一日爲始每年按月一分行息按季交息支給社師脩脯銀兩餘剩貯庫以脩修葺學舍等項動用業經通詳按年照依造報文峰書院之例造具管收除在四柱清冊報銷

義學章程

一三山口社義學一所坐落廻龍廟瓦房六間社師

廩餼歲設田稞四十石內分官置田稞二十石柱

宏量充公田稞二十石

一胡太寺社義學一所坐落石鼓墩街瓦房八間社師廩餼歲設田稞二十一石係孀婦徐張氏捐又酌添歲支脩銀八兩

一華岩寺上社學舍未建暫借白衣庵屋宇三間社師廩餼歲設田稞三十石係撥晏側等充公之項  
一華岩寺下社學舍未建暫借華岩寺屋宇三間社師廩餼歲設田稞二十石五斗係撥晏側等充公之項又酌添歲支脩銀八兩

一 袁武集上社學舍未建暫借本社廟宇三間社師廩餼尙乏田稞酌定歲支脩銀二十四兩

一 袁武集下社學舍未建暫借本社廟宇三間社師廩餼歲設田稞三十石係撥晏側等充公之項

一 蘇仙河社義學一所坐落元壇廟瓦房三間社師廩餼歲設田稞二十石係貢生吳錦含捐又酌添歲支脩銀八兩

一 雙河社義學一所坐落高山下草房三間社師廩餼歲設田稞二十石五斗內分宋琪裕充公廟稞

十石五斗生員王者臣堯公廟稞十石又酌添歲  
支脩銀八兩

一土鎮寨社義學一所坐落東嶽廟瓦房三間社師  
廩餼歲設田稞三十石係生員王者臣等捐

一香官畷社義學一所坐落東嶽廟瓦房三間社師  
廩餼歲設田稞三十四石六斗係僧人離相充公  
之項

一大木店社義學一所坐落土主廟瓦房十四間社  
師廩餼歲設田稞三十三石內分監生趙宏富捐



稞十八石監生趙宏昭捐稞十五石

一太蘇河社學舍未建暫借本社廟宇三間社師廩  
餼歲設田稞十六石係僧人清閒等充公之項又  
酌添歲支脩銀八兩

一清白河社學舍未建暫借良田寺屋宇三間社師  
廩餼歲設田稞二十九石內分良田寺充公田稞  
十七石廣福寺僧人志道每年願撥寺稞十二石  
一枚武店上社義學一所坐落珞珈庵瓦房六間社

師廩餼歲設田稞十七石內分周敏等捐稞六石

監生張金鐸等捐稔十一石又酌添歲支脩銀八兩

一枚武店下社義學一所坐落地名英窩瓦房十二間社師廩餼歲設田稔三十二石二斗係僧人曉安請撥充公之項

一枚溪塘上社學舍未建暫借本社廟宇三間社師廩餼歲設田稔二十五石地租錢五十

一枚溪塘中社義學一所坐落白龍庵瓦房三間社

師廩餼歲設田稞三十石係生員彭喬占等請撥  
充公之項

一 校溪塘下社義學一所瓦房六間社師廩餼歲設  
田稞二十五石內分職員張聯芳捐稞十石生員  
張啟恭捐稞七石職員張啟時等捐稞五石職員  
張大存捐稞三石

一 佛南河社學舍未建暫借本社廟宇三間社師廩  
餼歲設田稞十石係監生周之聆捐又酌添歲支

脩銀二十兩

一竹根河社學舍未建暫借本社廟宇三間社師廩餼尙乏田稞酌定歲支脩銀二十四兩

一鄒家舖上社學舍未建暫借本社廟宇三間社師廩餼歲設田稞三十石地租錢一千文係僧人洪印請撥充公之項

一鄒家舖下社義學一所坐落崗山寺瓦房六間社師廩餼歲設田稞二十四石係官買匡鐸田稞又酌添歲支脩銀八兩

一觀廟舖社義學一所坐落正法寺瓦房四間社師

廩餼歲設田課二十八石地租錢六千文內分官  
買田課二十石地租錢二千文捐職布經趙振祖  
等捐課二石僧人福印請撥充公田課六石地租  
錢四千文

一考龍河上社義學一所坐落東陽寺瓦房三間社  
師廩餼歲設田課二十石係官買東陽寺僧人東  
海之項又酌添歲支脩銀八兩

一考龍河下社學舍未建暫借本社廟宇三間社師  
廩餼歲設田課二十四石內分江維賢等充公廟

稞十、二石余榮等公捐祠稞十二石

一龍門河社義學一所坐落馮家堂瓦房三間社師廩餼歲設田稞二十二石係馮金等請撥充公之項又酌添歲支脩銀八兩

一通泉社義學一所坐落溫泉池名曰溫泉書院新建瓦房九間社師廩餼歲設田稞六十石係晏德等請撥充公之項

一銅井畷社學舍未建暫借本社廟宇三間社師廩餼尙乏田稞酌定歲支脩銀二十四兩

一枚河橋上社義學一所坐落龍頭橋瓦房三間  
師廩餼歲設田稞四十四石內分監生徐章楮  
稞二十四石生員王道立等請撥充公廟稞二  
石又酌添歲支脩銀八兩

一枚河橋下社義學一所坐落和豐橋瓦房一間  
屋十五間社師廩餼歲設田稞五十一石地租  
一千五百文係撥翠林庵充公之項

一南司社學舍未建暫借本社廟宇三間社師廩  
歲設田稞二十石係僧會司僧會靜意請撥充

之項又酌添歲支脩銀八兩

一上石橋社義學一所坐落楊家堂瓦房五間社師廩餼歲設田稞八石園租地租共錢二十三千文內分監生丁倬捐稞八石捐職州同周文述捐園租錢十一千文楊致極等捐地租錢十二千文

一陳家集社學舍未建暫用庄房草屋三間社師廩餼歲設田稞十八石係李國元捐又酌添歲支脩銀八兩

雙椿舖社義學一所瓦房六間社師廩餼歲設田



稞二十石係撥翠林庵充公之項又酌添歲支脩銀八兩

一三里坪社義學一所瓦房四間社師廩餼歲設田稞二十石係監生梅之學等捐又酌添歲支脩銀八兩

一東門社義學一所瓦房三間社師廩餼歲設田稞二十石係職員周曦捐又酌添歲支脩銀八兩

一南門社義學一所新建瓦房七間社師廩餼租稞倉斗三十六石向墮文峯書院年終造報又酌添

歲支脩銀八兩

一西門社義學一所瓦房六間社師廩餼歲設田稞  
二十一石內分貢生楚維允捐稞十一石撥翠林  
庵充公田稞十石又酌添歲支脩銀八兩

一北門社義學一所瓦房三間社師廩餼歲設田稞  
二十石係貢生黃澤萬捐又酌添歲支脩銀八兩  
一東關社義學一所坐落何家店草房六間社師廩  
餼歲設田稞二十石係撥晏側等充公之項又  
添歲支脩銀八兩

一南關社義學一所坐落十方院瓦房三間社  
餼歲設田稞二十一石係撥翠林庵充公之項  
酌添歲支脩銀八兩

一西關社義學一所坐落陳家堂瓦房三間社  
餼歲設田稞二十石係撥廻龍寺充公之項又  
添歲支脩銀八兩

北關社義學一所坐落七里崗瓦房三間社師  
餼歲設田稞五石地租錢四千文係孀婦熊程  
同侄生員熊德覃捐又酌添歲支脩銀十二兩

〔助修溫泉書院〕

一監生余殿元捐錢五十千

一監生陳毓岱童生陳毓嵩共捐錢三十千

一監生汪凌雲捐銀八十兩

一監生張道安捐錢二十千

一監生魯作玉捐銀二十兩

一義民陳紹舜捐錢二十千

一武生丁人傑捐銀一十兩

一監生張應甲捐錢六千

一庠生周思溫捐錢五千

一監生丁人鵬捐錢四千

〔附節孝祠地畝〕

節孝祠爲秩祀地歷次傾圯皆地方官暨紳士捐修  
嘉慶元年五龍廟僧翠曉監生余鈞等控生員陶思  
讓私佔廟產等情經楊前任斷歸入公紳士黃師萬  
楊文驃何毓珣熊傳本等稟請撥入節孝祠以爲歲  
修之費迨嘉慶七年武本任訊明取結定案其地座  
落考下保廟基東西十二丈南北六丈基外廟門首

荒地。下齊人行路。張姓地爲界。廟後北轉西荒地俱  
齊李姓地。溝爲界。廟基南首俱齊胡姓墳。界爲界。田  
地邊界東齊張姓老林山爲界。南齊余姓小子嶺。曲  
至河心爲界。西齊河心至李姓邊界。直上大嶺分水  
爲界。北齊李姓熟地邊橫至東小子嶺。人行大路爲  
界。庄房一所。瓦屋六間。草屋五間。山地一分。茶園一  
所。佃戶胡正發。楊景春。每年承繳租課八石。地課錢  
二千六百文。內除僧月坤翠曉墳山一處。余姓墳山  
一處。胡姓墳山一處。各四畝。俱以書石爲界。外山場

樹木一處竹園一處卽交佃戶看守冊糧証佃出里  
五甲節孝祠田糧九畝八分是年七月二十二日原  
稟紳士楊文驃等具有收領經管存案

典禮

〔朝賀之禮〕凡百省恭逢

萬壽冬至元旦三大節將軍總督一班巡撫副都統提督

學政二班總兵官協領叅領織造郎中督關郎中布

政使按察使各道三班佐領督關員外郎知府副將

叅將四班防禦督關主事司庫同知通判遊擊都司

五班驍騎校知州知縣守備六班筆帖式庫使經歷

州同州判縣丞千總等官七班皆文東武西其因事

出差之大臣官員係一二品大臣均列第一班之首



三品以下之京堂均列第二班之首五品以下之部院官員及閩省巡臺御史以至伴送外國使臣等官均列第二班之末省會用道員或府同知一員糾儀府用同知或通判如無同知通判用教官一員州縣均用教官一員至日五鼓文武官具朝服赴

萬壽宮丹墀下分東西班三跪九叩首興坐班禮成退

接

詔之禮

詔下直省經過府州縣五里之內文武官朝服跪迎軍民

伏道右候過輿省會有司豫於公廡設

詔案香案東設臺

詔及郊脩龍亭旂仗出迎使者承

詔書以架恭奉安置龍亭內乘馬後隨鼓樂前導文武大僚率所屬官朝服出迎道右跪候過輿先至公廡門外序立紳士耆老軍民咸集

詔至門跪迎如初禮使者下馬隨龍亭入衆隨入使者奉詔書陳於案退立案東西面引禮生引各官就位通贊贊跪叩興衆行三跪九叩禮贊宣

商城縣志 卷之六  
二  
詔使者奉

詔授宣詔官復位立宣詔官跪接登臺宣讀訖復於案退  
衆聽贊復行三跪九叩禮使者以

詔授督撫臚黃恭鑄頒學政鹽政織造管關兩司道府轉  
頒所屬州縣衛將軍提鎮協叅轉頒所屬營汛至日  
宣布軍民均與省會儀同

壇廟王祭之禮禮記各省壇廟春秋戊祭省會令督撫王

祭布政使以下陪祀其有道員駐劄之府州縣地方  
亦令道員王祭府州縣以下等官陪祀督撫道員各

有出巡職任倘遇出巡時仍令布政使及該地方正印官攝祭如將軍提鎮等均係武職應仍照向例陪祭至分駐之同知等官分司河工鹽捕等事較之道

員體統殊絕州縣係地方正印官應仍照舊王祭

附記

乾隆二十五年巡撫胡寶瑤通行縣官  
公出教官代祭 聖廟典史不得代祭

**宣講**

聖諭之禮直省各府州縣每朔望率僚屬齊集紳士軍民於公所供奉

上諭香案行三跪九叩首禮興至講所分文東武西序立約

正詣香案前跪捧

上諭登講臺木鐸老人跪宣讀畢約正乃宣講

逐條分月宣講

畢並

讀律令有未達者皆許質問其鄉村巨堡及番寨土  
司地方設立講約所於舉貢生員中揀選老成者一  
人爲約正再選樸實謹守者三四人爲值月每月朔  
望齊集鄉之耆老里長及讀書之人宣講

聖諭廣訓詳示開導務使鄉曲愚民共知鼓舞向善約正值  
月果能化導三年著有成效督撫會同學臣擇其學

行最優者題送引

見其誠實無過者量加旌異其怠惰廢弛者黜如地方官奉行不力督撫查叅

**賓興之禮**大比之年先期正官擇吉具啟搭月橋於儀門屆期設筵於堂正官主席學官次諸生序坐東西向酬酢畢諸生興拜辭正官送至月橋酌酒簪花派役執彩旗並鼓樂送郭門外

**鄉飲酒之禮**乾隆十八年議准各省舉行鄉飲事不畫一且竟有頻年闕畧不舉致曠

大典者應令各省督撫轉飭所屬府州縣每歲遵照定

例於正月十月舉行二次其賓介之數據會典所載鄉飲酒圖有大賓介賓一賓二賓三賓衆賓與大僎一僎二僎三僎之名按儀禮賓若有尊者諸公大夫則旣一人舉觶乃入注言今文遵爲僎又曰此鄉之人仕至大夫者來助主人樂賓主人所榮而遵法者也或有無來不來用時事耳又曰不干主人正禮也謂之賓者同從外來耳大國有孤四命謂之公又疏言一人舉觶爲旅酬始乃入卽是作樂前入又戴記坐僎於東北以輔主人所謂席於賓東助主人樂賓

者也其言主人親速賓及介而衆賓自從之至於門外主人拜賓及介而衆賓自入三揖至於階三讓以賓升拜至獻酬辭讓之義繁及介省矣至於衆賓升受坐祭卒飲不酢而降皆無一言及僎者所謂不干主人正禮者也嗣後應令順天府及直省府州縣先期訪紳士之年高德邵者一人爲賓次爲介又次爲衆賓皆由州縣詳報府尹督撫核定舉行其本地有仕至顯官偶居鄉里願來觀禮者依古禮坐於東北順天府及直省會城一品席南嚮二三品席西嚮各



府州縣三品以上席南嚮四五品席西嚮無則闕之  
不立一僎二僎三僎之名不入舉報之內仍將所舉  
賓介造具姓名籍貫清冊送部存案倘鄉飲後間有  
過犯按所犯輕重詳報褫革咨部除名並將原舉之  
官議處

儀注

京師鄉飲酒禮順天府尹爲主人前一日執事者於  
府學講堂陳設坐次監禮席於庭東北向賓席於堂  
西北南向主人之席於堂東南西向介席於堂西南東

向衆賓之長三人席於賓西南向東上皆專席不屬  
衆賓席於西序東向僚佐席於東序西向皆北上司  
正席於主人之東北向設律令案於主介間正中又

設尊案一於東序端司正豫率執事習禮樂部和聲  
署設樂於西階下至日黎明執事者宰牲具饌監禮

主人及僚屬司正先詣學遣人速賓介以下比至主  
人率僚屬出迎於庠門之外揖賓介衆賓皆答揖賓  
入介衆賓從入主居東賓居西贊禮者立階前贊揖  
至及賓三揖三讓而後升堂東西相向立贊兩拜交

拜畢賓卽席乃延介一讓升介升拜如賓禮介卽席  
乃延衆賓以次皆升主人揖皆答揖卽席主人率僚  
佐皆卽席咸坐贊司正揚觶執事者引司正由西階  
升詣堂中北向立贊起立賓介以下皆立贊揖司正  
賓介以下皆揖執事者以觶酌酒授司正司正舉酒  
曰恭惟

朝廷率由舊章敦崇禮教舉行鄉飲非爲飲食凡我長  
幼各相勸勉爲臣盡忠爲子盡孝長幼有序兄友弟  
恭內睦宗族外和鄉黨無或廢墜以忝所生讀畢贊

司正飲酒飲畢以解授執事贊揖司正揖賓介以下皆揖司正復位賓介以下皆坐贊讀律令執事者舉律令案於堂之中引禮引讀律令者詣案前北面立賓介以下皆立行揖禮如前讀律令曰律令凡鄉飲酒序長幼論賢良年高有德者居上其次序齒列坐有過犯者不得干與違者罪以違制失儀則揚觶者以禮責之讀畢復位贊供饌執事舉饌案至賓前次介次主三賓以下各以次設贊獻賓主起北面立執事斟酒以授主主授爵詣賓前置於席少退贊兩拜

商州縣志 卷之六 三  
賓答拜訖主退復位贊賓酢酒賓起介從執事者斟  
酒授賓賓授爵詣主前置於席少退贊兩拜賓主交  
拜訖賓退復位主人起獻介介酢主人如前儀乃各  
就位坐執事者詣三賓衆賓以下以次斟酒於席訖  
贊飲酒酒三行贊奏樂工升歌周詩鹿鳴之章卒歌  
笙奏

御製補南陔詩閒歌周詩魚麗之章笙奏

御製補由庚詩乃合樂歌周詩闕雎之章卒歌工告備出執

事者行酒主賓以下飲無算爵贊徹饌徹饌訖賓介

主以下皆興主僚屬居東賓介三賓衆賓居西贊兩  
拜賓主介拜訖贊送賓賓介衆賓主人以次下堂分  
東西行出庠門一揖退監禮者出主人送禮畢乃皆  
退直省鄉飲酒禮府以知府州以知州縣以知縣爲  
主席立一人爲司正主揚解以罰失儀者以教官充  
二人司爵二人贊禮二人引禮一人讀律並以生員  
充餘儀同

鄉

琴

圖

王

東階

飲

律案

酒

禮

圖

琴

案

王

西階

〔迎春之禮〕各直省府州縣先期造土牛勾芒神以其  
色立春前一日各官吉服具鼓樂出東郊迎入所司  
大門內設次安奉勾芒神西向土牛南向行一跪三  
叩首禮退至日時各官朝服具香案酒果祀勾芒神  
上香一跪三叩首獻爵讀祝復位一跪三叩首興擊  
鼓各官執彩仗環立土牛兩旁贊鞭春各官環繞擊  
土牛三匝禮畢後共碎之祝文部惟神職司春令德  
應蒼龍生意誕敷品彙萌達某等忝牧是郡具禮迎

新戴仰神功育我黎庶尙饗



〔常雩之禮〕擇日頒行直省各府州縣於風雲雷雨壇行禮前期詣社稷先農二壇恭迎各神牌至壇安設正中風雲雷雨左縣社右縣稷左次山川右次先農神位至日五鼓主祭陪祭朝服將事祭品祭儀與春秋同祝文頒部惟神恭膺

詔命撫育羣黎仰體

彤廷保赤之誠勤農勸稼俯維蒞屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率有庶俾豐裕於

蓋藏尙饗

〔救護之禮〕先期設香案於露臺之上隨食時早晚爲

向列金鼓於臺下至期陰陽生報

日

初虧長官率其

屬便服行三跪九叩首禮與長官擊鼓三聲臺下金鼓齊鳴至報圓鼓聲止各官朝服行三跪九叩首禮畢退

〔旱雩之禮〕前一日地方官出示禁屠宰祈禱各官於

本署致齋如齋儀日鋪後地方官就風雲雷雨壇修除內外行釁壇禮具吉服上香行一跪三叩首禮雩

之日設拜位於門內不設尊拈設盥洗位於壇西南

盥匱架加巾帨壇正中近北設祝版位風雲雷雨神

位壇東山川神位壇西共一筵設明水三尊酒三爵

粉簋五器果五釘

以上諸器皆用磁

羊一豕一祝案一燈二

鑪一柏香一槃鐵燎爐一

設於筵側焚祝文用

五鼓遣官以酒

果告於附近泉源之神行一跪三叩首禮以瓦尊酌

泉水迎至壇所質明祈官徹儀從率其屬素服詣壇

門外序坐俟迎水官至引贊生引祈官率各官魚貫

入壇門內跪迎迎水官捧水田南陞上奉安神位前

訖由東陛急趨下引贊生引祈官率各官就拜位旁

立

通贊生唱

執事者各執其事

助獻生就位如儀唱

祈官就位

俟立定唱

各官皆就位

俟各立定唱

上香

引贊生前引并贊

詣盥洗所濯水

進巾

贊

詣風雲雷雨山川神位前

引祈官自東陛升上香三炷贊

跪

唱

各官皆跪

贊

讀祝

讀祝者舉祝版旁跪讀畢焚之贊

叩首

贊

興贊

復位

引祈官自西陛下唱

三跪九叩首

唱

興

唱

禮畢遣官分赴

龍王東嶽城隍各廟行香致禱次日清晨祈官率各

官至壇行香三跪九叩首禮遣官分禱如前如是七

日內雨澍報謝各官具吉服儀從全設祭品禮儀準

祈禱如七日不雨再祈社稷壇禁屠宰設祭器皆如前儀七日雨澍報謝如不雨仍祈風雲雷雨壇如初雨澍報謝祝文酌撰無定式

〔祈社之禮〕前一日地方官出示禁屠宰各官於本署致齋如齋儀日舖後地方官就社稷壇修除內外掃滌瘞坎設拜位於門內不設尊拈設盥洗位於壇東北壇之前設席屋去壇五尺所後設屏坐正中近南設祝版位社神位壇東稷神位壇西共一筵器數羊豕如雩儀祈之日五鼓祈官徹儀從率其屬素服詣

壇北門外引贊生引入各就拜位行禮如雩祭禮既畢瘞帛於坎退用朱繩遶壇之四隅一匝遣官分赴東嶽關帝城隍各廟行香致禱各官於本署堂側設鼓頻擊之雨霽報謝如儀祝文酌撰亦無定式

**禁門之禮**前祭一日地方官禁屠宰各官於本署致齋視來水最多之處或地勢窪下霑潦最盛之方於其城闔修除清潔禁人出入設神位於城闔正中內向用黃紙書某府州縣衛城門之神位報祭則焚之設拜位於神位前不設尊拚設盥洗位於神位之左

設祝版位於神之前陳設器數羊豕與祈社同祭之日質明禁祭官徹儀從率其屬素服行禮如祈社禮

雨止報謝祝文

部頒

詔命臨民職司守土惟兆人之攸賴並藉神功冀四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流形俾無菑害尙饗

光郡通志祈雨當恪遵

會典參以古法變通合宜求其足以感格神明者

次第舉行神農求雨書有土龍致雨法甲乙日不  
雨爲青龍東方小童舞之丙丁日不雨爲赤龍南  
方壯者舞之戊己日不雨爲黃龍中央壯者舞之  
庚辛日不雨爲白龍西方老人舞之壬癸日不雨  
爲黑龍北方老人舞之闔南門開北門此古法也  
續漢書云祈雨閉諸陽門衣皂衣興土龍立土人  
選舞童董江都閉諸陽縱諸陰卽此意也宋熙寧  
中久旱令坊巷以甕貯水插柳枝泛蜥蜴酉陽雜  
俎載李圯爲王彥威祈雨用二甕貯水每甕泛二



蛇醫

卽蜥蜴

封口置闌處設席焚香選幼童十歲以

下者十餘各令執小竹晝夜擊甕不少輟如言試

之果得大雨以上諸法在設誠而致行之顧其間

有正本之道焉桑林以六事責躬大雨卽至鄭安

曹褒之平政去殘祝良田仁會之自曝引罪以及

顏魯公之省冤獄寇萊公之對修政咸合於正本

之道若暴尪焚巫咒龍燒山或殘忍非道或誕妄

不經均聖賢所屏絕卽管輅之占風驗星召雷雨

風雨之神亦清河守之好異也夫爲民上者因地

制宜要惟誠以動天則儀教自應故祈雨於風雲  
雷雨山川壇以雲雨是其專司也并及社稷先農  
冀其祐植我稼穡也禁止屠沽祀則用牲以饗必  
特殺齋必變食也素服步禱示其哀切以祈鑒憫  
也其或霑潦爲災則閉北門開南門令居民供奉  
日宮太陽之位則又相沿祈晴之法錄之以備叅  
攷

附鄉儀

從舊志纂入

冠禮

士夫子弟行之民間從俗禮

婚禮

士大夫家重門第禮儀稍備民隨貧富而行時損益之

喪禮

士夫家行如家禮其餘稱家有無而行俗多設齋醮盛物采殊非禮意

祭禮

士夫有家廟者四時舉行民間惟設主於室而時祀之

禮見

歲首冬至四孟月朔辭見賀謝是也

燕見

候問起居質疑白事及赴請召是也

途遇

遇尊長則遜而候其行凡尊者長者乘則卑幼趨而避之

燕集

鄉人序齒惟親與遠賓與有爵者則別序不相妨者仍以齒凡迎勞餞送特舉者皆以專

召爲上姻家亦然

迎送

尊者遠行咸迎送之祖道餞贐如常儀少者以下候其歸往省焉

慶弔

嘉禮則慶之有賀儀贐儀凶禮則弔之有賻儀奠儀貧者或相助焉遠不相及者再拜遣

使以

問之

按學校所以明人倫也而人倫必以禮爲閑禮者節其過引其不及也我

朝列訓諄諄禮教大備凡茲志所敬錄者皆通行於天下者也邑乘纂之褻矣第禮不講則壞猶之樂不修則崩都人士彬彬儒雅不乏習禮之君子然或失之僭或失之離記云忠信之人可與學禮人能以忠信學禮則過半矣吾願卽斯志之已纂者推

及於其未纂者一以忠信將之過者裁不及者企  
優游於

朝廷禮教之中則是志之有裨於世道人心也爲不淺  
矣